

Jaiotzak % 4,8 gutxitu dira 2018ko lehen hiruhilekoan Euskal Autonomia Erkidegoan

Amen % 45,7k 35 urte edo gehiago zuen, eta jaiotzen % 44,2 ezkontzatik kanpora gertatu zen

2018ko lehen hiruhilekoan, Euskal Autonomia Erkidegoko jaiotza kopurua 3.867 izan zen eta, beraz, % 4,8 gutxitu dira iazko aldi berdinen aldean, Eustatek ondutako datuen arabera. Jaiotza kopurua hiru lurraldeetan gutxitu da: Gipuzkoan, % 5,8 jaitsi da, Araban % 4,9, eta Bizkaian % 4. Zehazki, Gipuzkoan 1.290 ume jaio ziren, Araban 678, eta Bizkaian 1.899.

Amaren adinaren arabera jaiotzen banaketan, nabarmentzekoa da 35-39 urtekoen ama-taldea dagoela lehendabiziko postuan: jaiotzen % 35,5. Ondoren, oso gertutik, 30-34 urtekoen taldea dago, % 35,3 osatuz, eta atzetik dator 25-29 urtekoen taldea, nahiz eta talde horrek egiten duen ekarpena txikiagoa den: % 13,3.

2017ko lehen hiruhilekoaren aldean, gutxitu egin da 40 urte edo gehiagorekin ama izan diren emakumeen kopurua, 2017an 424 izan baitziren, eta 2018an, berriz, 395. Emakume horiek izandako jaiotzak guztizkoaren % 10,2 izan dira, 25 urtez beherako amek osatzen duten % 5,7aren gainetik, beraz.

Ezkontza bikoteaz kanpoko jaiotzak guztizkoaren % 44,2 izan ziren, 2017ko lehen hiruhilekoaren antzeko kopurua. Bizkaia, % 46,7az, izan da Euskal Autonomia Erkidego osotik gorako balioak izan dituen lurralde bakarra; Araba, berriz, % 42,3ra heldu da, eta Gipuzkoa % 41,6ra. Talde horretako amatasunaren adina gazteagoa izan zen ama izan diren emakumeen multzoaren aldean, haietako % 9k 25 urtetik behera baitzuen.

Jaiotza ordenaren arabera, 2018ko hiruhilekoan, jaiotzen ia erdiak, 1.905 ume, lehen umeak izan dira; 1.502, berriz (% 38,8), dagoeneko jaiotza bat egondako familietara heldu ziren, eta % 11,9koa da hirugarren edo geroko jaiotzen portzentajea.

Amen % 23,8k atzerriko naziotasuna zuten

2018. urteko lehen hiru hilabeteetan Euskal Autonomia Erkidegoan izandako jaiotzen % 23,8tan, amak atzerriko naziotasuna zuen. Kopuru hori handiagoa da Araban, % 29,9 baitzen, eta % 22 Bizkaian, eta % 23,3 Gipuzkoan. Gainera, atzerriko amen pisua handitu egin da: ehuneko 0,8 aurreko urtearen aldean.

1. taula: Euskal AEn bizirik jaioak. Alderaketa taula

	2018/I		Aurreko hiruhilekoa (2017/IV)		Aurreko urteko hiruh. bera (2017/I)	
	Kop.	%	Kop.	%	Kop.	%
Euskal AE	3.867	100,0	4.248	100,0	4.061	100,0
Araba / Álava	678	17,5	733	17,3	713	17,6
Bizkaia	1.899	49,1	2.129	50,1	1.978	48,7
Gipuzkoa	1.290	33,4	1.386	32,6	1.370	33,7
Amaren adina	3.867	100,0	4.248	100,0	4.061	100,0
≤ 24 urte	220	5,7	256	6,0	241	5,9
25 - 29 urte	514	13,3	566	13,3	515	12,7
30 - 34 urte	1.366	35,3	1.497	35,2	1.389	34,2
35 - 39 urte	1.372	35,5	1.439	33,9	1.492	36,7
≥ 40 urte	395	10,2	490	11,5	424	10,4
Amaren egoera zibila	3.867	100,0	4.248	100,0	4.061	100,0
Ezkondua	2.156	55,8	2.349	55,3	2.264	55,7
Ezkongabea	1.711	44,2	1.899	44,7	1.797	44,3
Amaren naziotasuna	3.867	100,0	4.248	100,0	4.061	100,0
Espainiarra	2.947	76,2	3.295	77,6	3.127	77,0
Atzeritarra	920	23,8	953	22,4	934	23,0
Jaiotza-hurrenkera	3.867	100,0	4.248	100,0	4.061	100,0
Lehenengoa	1.905	49,3	2.206	51,9	2.016	49,6
Bigarrena	1.502	38,8	1.588	37,4	1.593	39,2
Hirugarrena edo gehiago	460	11,9	454	10,7	452	11,1

Iturria: Eustat. Jaiotzen estatistika

Euskal AEn erregistratuta dauden eta Euskal AEn bizi den ama batengandik bizirik jaioak. Hileroko datuak


Iturria: Eustat. Jaiotzen estatistika

Informazio gehiago:

Eustat - Euskal Estatistika Erakundea / Instituto Vasco de Estadística
Donostia-San Sebastián, 1. 01010 Vitoria-Gasteiz

Prentsa zerbitzua: servicioprensa@eustat.eus Tel.: 945 01 75 62